



- SENAT -

Broj: 01-14-90/21

Sarajevo, 29. 09. 2021. godine

Na osnovu člana 130., a u vezi sa članom 164. Zakona o visokom obrazovanju („Službene novine Kantona Sarajevo“ broj: 33/17, 35/20 i 40/20) i člana 59., a u vezi sa članom 165. Statuta Univerziteta u Sarajevu, člana 17. Stav (1) i (2) Pravila studiranja za I i II ciklus studija, integrirani studij, stručni i specijalistički studij na Univerzitetu u Sarajevu i aktom Filozofskog fakulteta Univerziteta u Sarajevu, broj: 0101-01-05/12 od 08. 09. 2021. godine, Senat Univerziteta u Sarajevu na 41. redovnoj sjednici održanoj 29. 09. 2021. godine, d a j e

T U M A Č E N J E

PRAVILA STUDIRANJA ZA I I II CIKLUS STUDIJA, INTEGRIRANI STUDIJ, STRUČNI I SPECIJALISTIČKI STUDIJ NA UNIVERZITETU U SARAJEVU

I

U članu 17. stav (1) Pravila studiranja za I i II ciklus studija, integrirani studij, stručni i specijalistički studij na Univerzitetu u Sarajevu (dalje: Pravila), utvrđeno je sljedeće: „Ako je student koji plaća školarinu u određenoj studijskoj godini položio sve ispite i postigao prosječnu ocjenu najmanje osam, može dobiti javno finansirano mjesto za nastavak studija na tom ciklusu.“

Stavom (2) predmetnog člana utvrđeno je sljedeće: „Odluku iz stava (1) donosi vijeće fakulteta/akademije/centra/instituta pod uvjetom da fakultet/akademija/centar/institut posluje pozitivno u prethodnoj kalendarskoj godini i da takav prelazak neće ugroziti finansijsko poslovanje tog fakulteta/akademije/centra/instituta.“

U smislu naprijed navedenog, Odluka o javno finansiranom mjestu, a u skladu sa članom 165. Stav (3) Statuta Univerziteta u Sarajevu, odnosi se na nastavak studija na tom ciklusu studija, a ne za jednu studijsku godinu.

U vezi sa prethodnim, a u skladu sa članom 164. stav (6) Zakona o visokom obrazovanju Kantona Sarajevo („Službene novine Kantona Sarajevo, broj 33/17, 35/20 i 40/20) student koji se finansira sredstvima osnivača na Univerzitetu u Sarajevu ima pravo u toku prvog ciklusa, odnosno integriranog studija jedanput obnoviti studijsku godinu zadržavajući taj status. Ukoliko student više od jednom obnavlja godinu studija u toku prvog ciklusa studija, odnosno integriranog studija gubi status budžetski finansiranog studija, ali može nastaviti studij u statusu samofinansirajućeg studenta. S tim u vezi, konstatujemo da student koji je ostvario prosjek preko 8,00 te je po tom osnovu dobio javno finansirano mjesto, isto će izgubiti samo u slučaju da drugi put obnovi godinu studija na prvom ciklusu studija, odnosno integriranom studiju.

II

Tumačenje predstavlja integralni dio teksta Pravila i objavit će se na veb stranici Univerziteta u Sarajevu.

REKTOR

Prof. dr. Rifat Škrijelj



Dostavljeno:

- Organizacionim jedinicama UNSA
- za web stranicu
- u dokumentaciju Senata
- a/a